



**Broj: 03/1-
Tuzla, 03.06.2013 godine**

Na osnovu člana 95. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine" broj: 35/05) i tačke XV. XVI. i XVII. Odluke o metodologiji izrade i donošenja Programa rada i izvještaja o radu Vlade Tuzlanskog kantona, kantonalnih organa uprave i upravnih organizacija, ("Službene novine Tuzlanskog kantona" broj: 15/11), Ministarstvo industrije, energetike i rudarstva, Vladi Tuzlanskog kantona podnosi

Izvještaj o radu Ministarstva industrije, energetike i rudarstva za 2012 godinu

I. Uvod

- Izvještaj o izvršenju planiranih ciljeva i programskih aktivnosti

Ministarstvo industrije, energetike i rudarstva je poslove iz svoje nadležnosti obavljalo u skladu sa Zakonom o ministarstvima i drugim organima uprave Tuzlanskog kantona, Programom rada Ministarstva kao i u skladu sa utvrđenim strateškim ciljevima.

U okviru programskog cilja – stvaranje uslova za razvoj industrijskih subjekata u nadležnosti Ministarstva industrije, energetike i rudarstva urađeno je slijedeće:

- Okončane su aktivnosti na uvezivanju radnog staža za zaposlenike koji su stekli uvjete za penzionisanje u privrednim društvima sa većinskim državnim kapitalom i u okviru navedenih aktivnosti zbrinuto je 203 radnika, na način da je u 2011 godini zbrinuto 203 zaposlenika od čega u 2011 godini – 145 i u 2012 godini 58 zaposlenika.
- Aktivnostima Ministarstva zadržana su postojeća radna mjesta u privrednim društvima sa većinskim državnim kapitalom i zaposleno 75 novih radnika.
- U cilju sprečavanja uvođenja stečaja u D.O.O. "Livnica čelika" Tuzla, D.D. "KHK" Lukavac i D.D. "TTU" Tuzla, postignuti su i potpisani sporazumi o odgođenom izmirenju obaveza.
- U velikom procentu realizovan je program mogućnosti ekonomsko-finansijske rekonstrukcije Fabrike obuće "Aida" D.D. Tuzla.
- Sačinjena Fizibility studija "Nova livnica čelika" i vođene aktivnosti oko izbora strateškog partnera.
- U saradnji sa Vladom Tuzlanskog kantona, Vladom Federacije i resornim ministarstvima, vođena aktivnost na ublažavanju otežanog poslovanja u D.D. "Global Ispat Koksna industrija" Lukavac.
- Rudniku soli "Tuzla" d.d. Tuzla, iz sredstava po osnovu koncesionih naknada, pomoglo se na sufinansiranju izgradnje istražno-eksploatacione bušotine, u

cilju kontinuirane i povećane proizvodnje slane vode kojom se snabdijeva hemijska industrije na području Tuzlanskog kantona..

- *U cilju privatizacije privrednog društva "Rudnika nemetala Kladanj", obavljene su sve prethodne aktivnosti na obezbjeđenju jame. Nakon okončanja tih aktivnosti, Vlada TK je donijela odluku o prodaji državnog kapitala Rudnika nemetala "Kladanj", a aktivnosti na privatizaciji su u toku.*
- *Vođena je intenzivna aktivnost sa sindikatom, vlasnikom kapitala i strateškim partnerom u cilju prevazilaženja jako složenog i teškog stanja u D.O.O. "Dita" Tuzla, te je zalaganjem Ministarstva i Vlade kantona, ponovo uposlano 150 radnika kojima su prijetili otkazi ugovora o radu.*
- *Obezbijedena zdravstvena zaštita za zaposlenike u privrednim društvima sa većinskim državnim kapitalom kao pomoć svim onom privrednim društvima koja zbog otežanog poslovanja nisu u stanju da obezbijede zdravstvenu zaštitu. Izmjenom Odluke o utvrđivanju osnovica, stopa i načina obračunavanja i uplate doprinosa za obavezno zdravstveno osiguranje, ova kategorija privrednih društava je stekla pravo plaćanja zdravstvene zaštite po povlaštenoj stopi.*
- *Vođene su intenzivne aktivnosti sa privrednim društvima i Sindikatom na formiranju Konzorcija iz sektora metalurgije u okviru kojeg su u 2012 godini, kontinuirano obavljane aktivnosti na poboljšanju stanja u ovoj oblasti.*

U okviru programskog cilja – efikasno upravljanje i kontrola eksploatacije prirodnih bogatstava urađeno je slijedeće:

- *Sa Općinom Tuzla i Rudnikom soli "Tuzla", intenzivno su vođene aktivnosti na saniranju posljedica slijeganja zemljišta u gradu Tuzla uslijed nekontrolisane eksploatacije slane vode, i u cilju trajnog rješavanja ove problematike koja se dugi niz godina nije rješavala, radi se na donošenju zakona.*
- *Donesena tri podzakonska propisa iz oblasti rudarstva i geoloških istraživanja na području Tuzlanskog kantona,*
- *U 2012. godini, zaključeno je šest ugovora o koncesijama a ukupno od donošenja Zakona o koncesijama Ministarstvo je kao koncesor, po ovlaštenju Vlade kantona, zaključilo petnaest ugovora o koncesiji.*
- *Po zahtjevima privrednih subjekata, Ministarstvo je donijelo dva rješenja za dozvolu eksploatacije i geoloških istraživanja*
- *Obavljen upravni nadzor nad sprovođenjem Zakona iz oblasti rudarstva i geoloških istraživanja.*

U okviru programskog cilja – korištenje obnovljivih izvora energije urađeno je slijedeće:

- *Realizovana su istraživanja i data pomoć privrednim društvima vezano za korištenje obnovljivih izvora energije.*
- *Realizovan program uštede električne energije na Rudniku soli "Tuzla" d.d Tuzla.*
- *Obavljena promocija korištenja obnovljivih izvora energije u okviru 2. "Međunarodnog sajma energetike – energija, industrije i rudarstva" i na istom održana naučna konferencija "Energia 2012"*

II. Normativna djelatnost

U skladu sa programskim aktivnostima iz 2012 godine, Ministarstvo je donijelo slijedeće provedbene akte i druge akte:

- *Pravilnik o načinu vođenja evidencije i izrade katastra ležišta mineralnih sirovina, geoloških pojava odobrenih istražnih prostora,*
- *Pravilnik o reviziji elaborata o klasifikaciji, kategorizaciji i proračunu rezervi mineralnih sirovina,*
- *Pravilnik o obavljanju tehničkog pregleda rudarskih objekata, postrojenja, uređaja i instalacija,*
- *Pravilnik o vođenju katastra odobrenih eksploatacionih polja, načinu vođenja zbirki isprava i popisa privrednih društava kojima su izdate dozvole za eksploataciju mineralnih sirovina.*
- *Pravilnik o izmjenama i dopunama Pravilnika o unutrašnjoj organizaciji i sistematizaciji.*

Ministarstvo je takođe donijelo slijedeće Odluke na koje je saglasnost dala Vlada kantona:

- *Odluku o utvrđivanju uslova za raspodjelu sredstava sa potrošačke jedinice 13010002 „Intervencije javnim preduzećima i privrednim društvima“,*
- *Odluku o programu raspodjele sredstava sa potrošačke jedinice 13010002 „Intervencije javnim preduzećima i privrednim društvima“,*
- *Odluku o izmjenama i dopunama Programa raspodjele sredstava sa potrošačke jedinice 13010002 „Intervencije javnim preduzećima i privrednim društvima“,*
- *Odluke o dodjeli finansijskih sredstava privrednim društvima iz resorne oblasti sa većinskim državnim kapitalom za namjene u skladu sa Programom korištenja sredstva sa potrošačke jedinice 13010002.*
- *Pojedinačne odluke o dodjeli finansijskih sredstava kao pomoć privrednim društvima u skladu sa Odlukom i Programom raspodjele sredstava sa budžetske pozicije „Intervencije javnim preduzećima i privrednim društvima.*

Ministarstvo planiralo donošenje Zakona o koncesijama a koji nije donešen iz razloga što nije uslijedilo donošenje zakona na federalnom nivou. Naime, prijedlog navedenog zakona je povučen iz parlamentarne procedure, a istim je bila predviđena obaveza kantona na donošenje kantonalnih zakona.

Takođe, Ministarstvo nije okončalo proceduru donošenju Zakona o sanaciji posljedica slijeganja zemljišta u gradu Tuzla usljed nekontrolisane eksploatacije slane vode, iz razloga što se sa Općinom Tuzla nije uspjelo doći do usaglašenog teksta zakona koje bi Ministarstvo ponudilo Vladi i Skupštini kantona, o čemu je Ministarstvo obavijestilo Vladu kantona.

Ministarstvo je iz okvira studijsko-analitičkih i informativnih poslova, Vladi i Skupštini kantona dostavilo slijedeće:

- *Informaciju o prihodima i stepenu naplate po Ugovorima o koncesiji iz nadležnosti industrije, energetike i rudarstva.*
- *Program raspodjele sredstava sa budžetske pozicije “Intervencije javnim preduzećima i privrednim društvima”.*
- *Informaciju o radu Nadzornih odbora u privrednim društvima u kojima prava i obaveze vlasnika po osnovu državnog kapitala vrši Vlada Kantona za 2011. godinu.*

- Informaciju o ostvarenim rezultatima poslovanja privrednih društava za period I-XII 2011. godine iz oblasti industrije, energetike i rudarstva Tuzlanskog kantona.
- Informacija o stanju sigurnosti u Rudnicima uglja na području Tuzlanskog kantona.
- Informaciju o ostvarenim rezultatima poslovanja privrednih društava za period I-VI 2012. godine iz oblasti industrije, energetike i rudarstva Tuzlanskog kantona.
- Informacija o pripremi za privatizaciju privrednih društava sa većinskim državnim kapitalom iz resorne nadležnosti.
- Informaciju o utrošku sredstava sa budžetske pozicije "Intervencije javnim preduzećima i privrednim društvima".
- Informacija o proizvodnji slane vode kao osnove za razvoj hemijske industrije Tuzlanskog kantona.

III. Tematski dio

Za realizaciju aktivnosti Ministarstva u 2012 godini, u Budžetu Tuzlanskog kantona za 2012 godinu planirana su sredstva na budžetskoj poziciji "Intervencije javnim preduzećima i privrednim društvima" u iznosu od 2.200.000,00 KM.

U skladu sa procedurom propisanom Zakonom o izvršenja Budžeta Tuzlanskog kantona za 2012. godinu, Ministarstvo je donijelo Odluku o utvrđivanju uslova za korištenje sredstava sa potrošačke jedinice 13010002 na koju je Vlada dala saglasnost.

Takođe, od strane Ministarstva donesen je i Program raspodjele finansijskih sredstava na koji je Vlada Tuzlanskog kantona dala saglasnost.

Izmjenama i dopunama Budžeta Tuzlanskog kantona za 2012. godinu, sredstva na ovoj potrošačkoj jedinici smanjena su na 1.900.000,00 KM.

Od ukupno planiranog iznosa realizovano je 1.477.479,88 KM ili 77,76%.

a) Aktivnosti u oblasti intervencija privrednim društvima iz resorne oblasti

1a. Pomoć privrednim društvima iz resorne oblasti koja u održavanju tekuće likvidnosti nisu u mogućnosti da plaćaju zdravstveno osiguranje

Tačkom 1(a) Programa raspodjele sredstava sa potrošačke jedinice 13010002 – „Pomoć privrednim društvima iz resorne oblasti koja u održavanju tekuće likvidnosti nisu u mogućnosti da plaćaju zdravstveno osiguranje“ planirana su sredstva u ukupnom iznosu od 92.000,00 KM. Pojedinačnim Odlukama odobreno je 88.032,50 KM. Ovim Odlukama obezbjeđeno je zdravstveno osiguranje za slijedeća privredna društva:

R/b r	Naziv privrednog društva	Broj zaposlenih	Odluka broj, datum Odluke, Saglasnost broj	Visina odobr. sredstava (KM)
1.	FO«Aida» Tuzla	446 (I i II kvartal) 392 (III kvartal) 361 (IV kvartal)	Odluka br: 03/1-14-483/12 Od 12.01.2012 Saglasnost br: 02/1-14-483/12 Odluka br: 03/1-14-8232/12 Od 15.06.2012 Saglasnost br: 02/1-14-8232/12	57.994,5

			Odluka br: 03/1-14-13623/12 Od 04.09.2012 Saglasnost br: 02/1-14-13623/12 Odluka br: 03/1-14-24007/12 Od 23.10.2012 Saglasnost br: 02/1-14-24007/12	
2.	Unioninvest «Mašinska montaža» Tuzla	21	-II-	2.898,00
3.	«Rudnici nemetala Kladanj» Kladanj	15 (I,II i III kvartal) 11 (IV kvartal)	-II-	1.886,00
4.	„Elektromontaža“ Tuzla	19 (I,II i III kvartal) 9 (IV kvartal)	-II-	2.277,00
5.	«Livnica čelika» Tuzla	2	-II-	276,00
6.	«Bosnia valves» Tuzla	155(I,II i III kvartal) 149 (IV kvartal)	-II-	21.183,00
7.	Koksno hemijski kombinat «KHK» Lukavac	11	-II-	1.518,00
UKUPNO:		638	(prosječan broj radnika)	88.032,50

2a. Intervencije privrednim društvima iz resorne oblasti, kao pomoć u postizanju ekonomske samoodrživosti (poticaj izvoza, povećanje ukupnog prihoda, investiciona ulaganja i održavanje postrojenja, pripreme za restrukturiranje i privatizaciju neprivatizovanih društava)

Tačkom 1 (b) Programa raspodjele sredstava sa potrošačke jedinice 13010002 – „Intervencije privrednim društvima sa većinskim državnim kapitalom iz resorne oblasti, kao pomoć u postizanju ekonomske samoodrživosti (podsticaj izvoza, povećanje ukupnog prihoda, investiciona ulaganja i održavanje postrojenja, priprema za restrukturiranje i privatizaciju neprivatiziranih društava)“ planirana su sredstva u ukupnom iznosu od 1.380.000,00 KM. Ova sredstva su realizovana pojedinačnim Odlukama u ukupnom iznosu od 991.847,08 KM slijedećim privrednim društvima:

R/br	Naziv privrednog društva	Odluka broj, datum Odluke, Saglasnost broj	Visina odobr. sredstava (KM)
		Odluka br: 03/1-14-6793/12 Od 15.06.2012. Saglasnost br: 02/1-14-6793/12	200.000,00

1.	«Bosnia valves «DOO Tuzla	Odluka br: 03/1-14-20859/12 Od 25.10.2012 Saglasnost br: 02/1-14-20859/12 Odluka br: 03/1-14-28268/12 Od 19.12.2012 Saglasnost br: 02/1-14-28268/12	57.000,00 163.560,00
2.	„Livnica čelika“ Tuzla	Odluka br: 03/1-14-27244/12 Od 19.12.2012 Saglasnost br: 02/1-14-27244/12	86.440,00
3.	„Tvornica transportnih uređaja“ Tuzla	Odluka br: 03/1-14-9586/12 Od 14.06.2012 Saglasnost br: 02/1-14-9586/12 Odluka br: 03/1-14-27245/12 Od 11.12.2012 Saglasnost br: 02/1-14-27245/12	200.000,00 180.000,00
4.	FO «Aida» Tuzla	Odluka br: 03/1-14-9867/12 Od 29.05.2012 Saglasnost br: 02/1-14-9867/12	25.000,00
5.	Rudnici nemetala Kladanj	Odluka br: 03/1-14-8921/12 Od 03.07.2012 Saglasnost br: 02/1-14-8921/12 Odluka br: 03/1-14-20859/12 Od 25.10.2012 Saglasnost br: 02/1-14-20859/12	26.000,00 20.000,00
6.	„Koksno-hemijski kombinat“ Lukavac	Odluka br: 03/1-14-20859/12 Od 25.10.2012 Saglasnost br: 02/1-14-20859/12	33.847,08
UKUPNO:			991.847,08

Privrednom društvu „Bosnia valves“ DOO Tuzla (Livnica čelika Tuzla) odobreno je u toku 2012. godine finansijskih sredstava u ukupnom iznosu od 507.000,00 KM. Dodijeljena finansijska sredstva namijenjena su za izmirivanje obaveza prema dobavljačima, izmirivanje obaveza za isporučenu električnu energiju, vodu, za remont dizalica, za isporučeni repromaterijal, za izvršene ljekarske preglede, za obaveza koje proističu po osnovu Sporazuma o regulisanju međusobnih obaveza „Messer Tehnoplín“ d.o.o. Sarajevo, izmirivanje dijela obaveza po Sporazumu sa privrednim društvom „Mlin i pekare“ d.d. Ljubače, kao i za nabavku repromaterijala. Od ukupno odobrenog iznosa Ministarstvo finansija do 31.12.2012. godine nije izvršilo uplatu iznosa od 331.228,00 KM.

Efekti se ogledaju u tome da je održan proizvodni proces pored toga da je stanje u društvu veoma složeno. Računi „Livnice čelika“ i „Bosnia Valves“ su blokirani. Oprema je u lošem stanju i veoma se teško održava. Nezadovoljstvo radnika je veoma izraženo što dovodi do čestih zastoja. Povjerenje kod naručilaca posla je na veoma niskom nivou zbog ne ispunjavanja ugovorenih rokova isporuke. Pored toga naručioc posla su zadovoljni sa kvalitetom isporučenih proizvoda.

Kao krajnji ishod je veoma nizak nivo ostvarivanja fizičkog obima proizvodnje a time i niskog prihoda iz koga nije moguće izmiriti sve trenutne kao i ranije stvorene obaveze.

Sklapanjem i realizacijom sporazuma sa „Messer Tehnoplín“ Sarajevo i „Mlin i pekare “Ljubače“ otklonjena je opasnost od uvođenja stečaja koji je bio pokrenut pred opštinskim sudom u Tuzli. Takođe stvoreni su uslovi za nastavak pregovora sa strateškim investitorom za izgradnje „Nove livnice“.

„Tvornici transportnih uređaja“ odobrena su sredstva u ukupnom iznosu 380.000,00 KM. Odobrena finansijska sredstva su namjenjena za izmirivanje obaveza po Sporazumu o izmirenju duga zaključenog između „Tvornice transportnih uređaja“ D.D. Tuzla i „Messer Tehnoplín“ d.o.o. Sarajevo, izmirivanje obaveza po Vansudskoj nagodbi prema NLB banci i za izmirivanje obaveza prema dobavljačima za nabavku repromaterijala. Od ukupno odobrenog iznosa Ministarstvo finansija do 31.12.2012. godine nije izvršilo uplatu iznosa od 240.000,00 KM.

Slični efekti postignuti su kod dodjeljivanja sredstava i ovom privrednom društvu.

Naime, poznato je da „TTU“ uglavnom vrši usluge za ino-partnera iako je račun društva blokirán. Društvo je suočeno sa otežanom nabavkom repromaterijala koji je veoma specifičan i traži plaćanje unaprijed a ugovori sa ino-partnerima zahtijevaju i obezbjeđivanje bankovnih garancija, a plaćenje je uglavnom po završetku ugovorenih radova. Zbog uticaja globalne krize pored smanjenog interesa za naredbe ino-partnera ugovorene cijene su značajno niže tako da nije moguće servisiranje ranije stvorenih obaveza. Iz tih razloga nije bilo moguće servisiranje obaveza prema ranije sačinjenom Sporazumu sa NLB bankom kao ni nastavak servisiranja ranije stvorenih obaveza kod „Messer Tehnoplín“ d.o.o. Sarajevo. Ovi povjerioci bili su pokrenuli stečajni proces pred sudom ali sklapanjem sporazuma ova opasnost je otklonjena. Odobrena a nerealizovana sredstva mogla bi stvoriti dodatne probleme u narednom periodu sa aspekta gubljenja povjerenja kod potražilaca sredstava.

Fabrici obuće «Aida» Tuzla odobrena su sredstva u ukupnom iznosu od 25.000,00 KM. Ista su dodijeljena na osnovu odluke, a za održavanje postrojenja i priprema za restrukturiranje, a na osnovu usvojenog Programa ekonomsko – finansijske rekonstrukcije Fabrike obuće „Aida“ Tuzla).

Efekti se ogledaju u tome da su stvoreni uslovi za realizaciju ugovora koji je sklopljen za ljetnu sezonu. Naime, poznato je da u ovoj proizvodnji dolazi do prekida proizvodnog procesa sa zimske na ljetnu sezonu i obrnuto. Konkretno zbog dužeg zastoja privredno društvo nije bilo u mogućnosti da obezbijedi sredstva za pripremu pogona za početak proizvodnog procesa. Sa ovim sredstvima stvoreni su uslovi i proizvodni proces je otpočeo bez tehničko-tehnoloških problema.

„Rudnicima nemetala Kladanj“ DOO Kladanj odobreno je 46.000,00 KM za realizaciju započetih aktivnosti definisanih Planom i programom poslovanja, kao i za aktivnosti vezano za privatizaciju privrednog društva, kao i za materijalno

zbrinjavanje radnika. Ministarstvo finansija nije izvršilo uplatu odobrenih finansijskih sredstava do 31.12.2012.

Odobrena finansijska sredstva nisu uplaćena, ali su stvorene obaveze za izvršene radove i to:

- završeni prospekcijski radovi na jami „Rudnici nemetala Kladanj“ koji su započeti 2011. godine;
- inspekcijski pregled jame Rudnika magnezita 04.06.2012. godine od strane Federalne rudarske inspekcije, gdje je u zapisniku konstatovano da su stvoreni sigurnosni uslovi za nastavak sanacije jamskih objekata u cilju pokretanja procesa proizvodnje;
- donešen je program privatizacije;
- u cilju utvrđivanja objektivnih vrijednosti stalnih sredstava i kapitala od strane sudskih vještaka, izvršena je procjena istih;
- sa 30.06.2012. godine urađena je revizija kapitala „Rudnika nemetala Kladanj“ u čijem je izvještaju utvrđena i sama struktura kapitala;
- nadzorni odbor i skupština društva su donijeli sve neophodne odluke potrebne da Kantonalna agencija za privatizaciju raspiše javni poziv - tender za privatizaciju;
- Vlada TK je donijela Odluku broj: 02/1-19-18892/12 od 21.09.2012. godine o prodaji 100% državnog kapitala „Rudnika nemetala Kladanj“ metodom javnog prikupljanja ponuda - tender u velikoj privatizaciji (dokapitalizacija);
- Vlada TK je donijela Odluku broj: 02/1-18-21089/12 od 01.10.2012. godine o dodjeli koncesije za eksploataciju magnezita na ležištu Konjuh u Općini Kladanj na period dvadeset (20) godina;
- na osnovu svih navedenih aktivnosti Kantonalna agencija za privatizaciju TK je - 12.10.2012. godine u dnevnom listu „Oslobođenje“ objavila javni poziv- tender o prodaji državnog kapitala;
- kako u ostavljenom roku za podnošenje ponuda nije prispjela nijedna ponuda, uz predhodno pribavljeno odobrenje direktora Kantonalne agencije za privatizaciju, dana 27.11.2012. godine, donešena je odluka o proglašenju tendera neuspjelim.

„Koksno hemijskom kombinatu“ DD Lukavac odobreno je 33.847,08 KM za izmirivanje obaveza po Sporazumu o izmirenju duga zaključenog između „Koksno hemijskog kombinata“ D.D. Lukavac i „Messer Tehnoplina“ d.o.o. Sarajevo. Ministarstvo finansija nije izvršilo uplatu odobrenih finansijskih sredstava do 31.12.2012.

Efekte se ogledaju u tome da je takođe otklonjena opasnost od uvođenja stečaja nad društvom koje je bio pokrenuo „Messer Tehnoplina“ d.o.o. Sarajevo.

3a. Sufinansiranje troškova kod realizacije Programa mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla, a koji će se realizovati putem Službe za zapošljavanje Tuzlanskog kantona, vezano za izmirivanje obaveza doprinosa za PIO/MIO, za zaposlenike koji su stekli uslove za penzionisanje ili su proglašeni tehnološkim viškom u privrednim društvima iz resorne oblasti.

Tačkom 1 (c) Programa raspodjele sredstava sa potrošačke jedinice 13010002 – „Sufinansiranje troškova kod realizacije Programa mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla, a koji će se realizovati putem Službe za

zapošljavanje Tuzlanskog kantona” planirana su sredstva u iznosu 28.000,00 KM. Ova sredstva ostala su neraspoređena.

4a. Realizacija započetih aktivnosti proisteklih iz Izvještaja Ekspertnog tima iz 2011. godine formiranog za izradu analize o stanju u Fabrici obuće D.D. „Aida“ Tuzla.

Tačkom 1 (d) Programa raspodjele sredstava sa potrošačke jedinice 13010002 – „Realizacija započetih aktivnosti proisteklih iz Izvještaja Ekspertnog tima iz 2011. godine formiranog za izradu analize o stanju u Fabrici obuće D.D. „Aida“ Tuzla“ planirana su sredstva u ukupnom iznosu od 250.000,00 KM. Ova sredstva su realizovana pojedinačnim Odlukama u ukupnom iznosu od 247.600,30 KM kako slijedi:

R/br	Naziv privrednog društva	Odluka broj, datum Odluke, Saglasnost broj	Visina odobr. sredstava (KM)
1.	FO «Aida» Tuzla	Odluka br: 03/1-14-360/12 Od 19.01.2012 Saglasnost br: 02/1-14-360/12	46.700,00
2.	FO «Aida» Tuzla	Odluka br: 03/1-14-12460/12 Od 18.06.2012 Saglasnost br: 02/1-14-12460/12	120.900,30
3.	FO «Aida» Tuzla	Odluka br: 03/1-14-21127/12 Od 30.11.2012 Saglasnost br: 02/1-14-21127/12	80.000,00
UKUPNO:			247.600,30

Fabrici obuće «Aida» Tuzla sa tačke 1 (d) Programa raspodjele odobrena su sredstva u ukupnom iznosu od 247.600,30 KM. Ista su dodijeljena pojedinačnim odlukama o odobravanju sredstava i to za slijedeće namjene: izmirivanje obaveza po osnovu poreza i doprinosa koji su u nadležnosti Porezne uprave, a koji se uplaćuju u cilju zbrinjavanja tehnološkog viška a odnosi se na period 01.01.2011.-30.06.2012. godine, za stvaranje uslova za organizaciju proizvodnog procesa za sezonu proljeće-ljeto, za nabavku rezervnih dijelova, izmirivanje obaveza prema „A-SHOES“-u, a koje su nastale po Ugovoru o poslovno-tehničkoj saradnji između Fabrike obuće „Aida“ d.d. Tuzla i „A-SHOES“-a i sl. Od ukupno odobrenog iznosa Ministarstvo finansija do 31.12.2012. godine nije izvršilo uplatu iznosa od 80.000,00 KM.

Efekte se ogledaju u tome da su zbrinuta 34 radnika koji su proglašeni tehnološkim viškom. Sa ovom aktivnošću kao i ostalim koje su realizovane kroz navedene odluke može se reći da je realizovan prvi dio iz Programa mogućnosti ekonomsko-finansijske rekonstrukcije Fabrike obuće „Aida“ d.d. Tuzla koji je radio Ekspertni tim i stvoreni uslovi za odvijanje proizvodnog procesa shodno obimu ugovorenih poslova za ljetnu sezonu. Sredstva po još nerealizovanoj odluci u iznosu od 80.000,00 KM su neophodna za uspješni završetak ljetne sezone i stvaranje uslova za proljetnu sezonu. Cijenimo da je nerealizacija navedene odluke imalo značajnog negativnog

uticaja na završetak ljetne sezone, koja još traje, a ogleda se u neizmirivanju obaveza koje su stvorene prije svega prema isporučiocima električne energije i uglja za zagrijavanje proizvodnih prostora kao i drugih obaveza koje će zasigurno imati uticaja za završetak sezone i nastavak proizvodnog procesa.

5a. Pomoć privrednim društvima koja su izvozno orijentisana, a osnovana su kao zajedničko privredno društvo sa učešćem državnog kapitala, a zbog poremećaja na tržištu nisu u mogućnosti da realizuju neophodan izvoz gotovih proizvoda

Tačkom 1 (d) Programa raspodjele sredstava sa potrošačke jedinice 13010002 – „Pomoć privrednim društvima koja su izvozno orijentisana, a osnovana su kao zajedničko privredno društvo sa učešćem državnog kapitala, a zbog poremećaja na tržištu nisu u mogućnosti da realizuju neophodan izvoz gotovih proizvoda zbog čega nemogu da izvršavaju svoje zakonske obaveze prema fondovima“ planirana su sredstva u ukupnom iznosu od 150.000,00 KM. Ova sredstva su realizovana Odlukom u ukupnom iznosu od 150.000,00 KM kako slijedi:

R/br	Naziv privrednog društva	Odluka broj, datum Odluke, Saglasnost broj	Visina odobr. sredstava (KM)
1.	„GIKIL“ d.o.o. Lukavac	Odluka br: 03/1-14-20859/12 Od 25.10.2012 Saglasnost br: 02/1-14-20859/12	150.000,00
UKUPNO:			150.000,00

Privrednom društvu „GIKIL“ d.o.o. Lukavac odobreno je 150.000,00 KM, a za remont i održavanje postrojenja. Od ukupno odobrenog iznosa Ministarstvo finansija do 31.12.2012. godine izvršilo je uplatu 30.000,00 KM.

Programom raspodjele sredstava sa potrošačke jedinice 13010002 – „Intervencije javnim preduzećima i privrednim društvima“ planirana je raspodjela sredstava i na slijedećim tačkama:

1 (e) „Intervencije privrednim društvima za sprovođenje predstečajnog postupka za društva nad kojima je pokrenut stečajni postupak, a ista nisu u mogućnosti da plate troškove po sudskom Rješenju“ u iznosu od 60.000,00 KM,

1 (f) „Sredstva namijenjena za hitne intervencije u slučaju, havarije industrijskih postrojenja, elementarnih nepogoda koje su prouzrokovale veću materijalnu štetu i drugim slučajevima za koje Ministarstvo procijeni da treba hitno djelovati“ u iznosu od 100.000,00KM,

2 (a) „Podsticaj novih investicija i razvoja u privrednim društvima iz resorne oblasti“ u iznosu od 200.000,00 KM.

2 (b) „Pomoć privrednim društvima iz resorne oblasti kao učešće Međunarodnom sajmu energije, industrije i rudarstva“ u iznosu od 20.000,00 KM.

2 (c) „Sufinansiranje projekata novog zapošljavanja za privredna društva iz resorne oblasti. u iznosu od 200.000,00 KM.

Izmjenama i dopunama Budžeta TK za 2012. godinu izvršeno je umanjeње sredstava na budžetskoj poziciji „Intervencije javnim preduzećima i privrednim

društvima“, zbog čega je došlo do izmjena u Programu raspodjele. Ovim izmjenama nisu planirana sredstva za raspodjelu po gore pomenutim tačkama 1 (e), 1 (f), 2 (a), 2 (b) i 2 (c).

b). Projekti u oblasti rudarstva

Rudnik soli „Tuzla“ d.d. Tuzla, pogon „Tetima“ nastavio je proces kontrolisanog izluživanja, vršen je na osam istražno-eksploatacionih bušotina: B-70, B-71, B-72, B-73, B-77, B-80, B-81 i B-82 na kojima je dobijana slanica potrebne koncentracije za prerađivače, a na bušotinama B-67, B-68, B-72, B-73 i B-79 proizvedena je poluzasićena slanica.

U odnosu na plan za 2011. godinu (2.341.700 m³) obim realizacije u 2012. godini (2.547.770 m³), veći je za 206.070 m³ ili za 8,80 %.

Vlada Tuzlanskog kantona je ovom privrednom društvu odobrila sredstva u iznosu od 300.000,00 KM sa budžetske pozicije “Sredstva za utrošak prihoda od koncesija” za izgradnju dvije istražno-eksploatacione bušotine B-88 i B-92.

U privrednom društvu „Rudnik nemetala Kladanj“ d.o.o. Kladanj, pokrenute su konkretne aktivnosti na pripremi za iznalaženje strateškog partnera za privatizaciju tj. obezbjeđena su finansijska sredstva za izvođenje prospekcijskih rudarskih radova u jami sa ciljem utvrđivanja stanja rudarskih objekata. Izvršeni su prospekcijski radovi na jami „Rudnici nemetala Kladanj“ u periodu april/maj 2012. Godine, od strane „Rudar“ d.o.o Tuzla.

Vlada TK je donijela Odluku broj: 02/1-19-18892/12 od 21.09.2012. godine o prodaji 100% državnog kapitala „Rudnika nemetala Kladanj“ metodom javnog prikupljanja ponuda - tender u velikoj privatizaciji (dokapitalizacija) i Odluku broj: 02/1-18-21089/12 od 01.10.2012. godine o dodjeli koncesije za eksploataciju magnezita na ležištu Konjuh u Općini Kladanj na period dvadeset (20) godina. Na osnovu svih navedenih aktivnosti Kantonalna agencija za privatizaciju TK je 12.10.2012. godine u dnevnom listu „Oslobođenje“ objavila javni poziv - tender o prodaji državnog kapitala. Kako u ostavljenom roku za podnošenje ponuda nije prispjela nijedna ponuda, krajem 2012 godine, donesena je odluka o proglašenju tendera neuspjelim.

c). Ugovori o koncesijama

Krajem 2011. i u 2012. godini prestalo je da važi više ugovora, i ta privredna društva su podnijela zahtjeve za zaključenje novih ugovora po članu 26. Zakona o koncesijama, samoinicijativna ponuda. U 2012. godini zaključena su četiri koncesiona ugovora, i to:

- 24.05.2012. godine Ugovor o koncesiji sa JP „Elektroprivreda BiH“ d.d. Sarajevo ZD Rudnici „Kreka“ d.o.o. Tuzla za eksploataciju kvarcnog pijeska na lokalitetu P.K. Šićki brod u općini Lukavac na period od 5 (pet) godina
- 08.08.2012. godine Ugovor o koncesiji sa privrednim društvom Plantrans dijabaz d.o.o. Banovići za eksploataciju dijabaza na lokalitetu „Ribnica“ u općini Banovići na period od 20 godina
- 13.11.2012. godine Ugovor o koncesiji sa privrednim društvom „Gramat“ d.o.o. Gračanica za eksploataciju kamena krečnjaka na lokalitetu „Sklop“ u općini Gračanica
- 21.12.2012. godine Ugovor o koncesiji sa Rudnicima mrkog uglja „Banovići“ d.d. Banovići za eksploataciju mrkog uglja u okviru eksploatacionog polja „Banovići“.

Takođe se vodio postupak za zaključenje ugovora za još nekoliko privrednih društava, a njihovo potpisivanje će biti u prvom kvartalu 2013. godine.

Obzirom da je u izmjenama i dopunama Zakona o koncesijama Tuzlanskog kantona iz 2011. godine definisana dodjela koncesije za korištenje sunčeve energije i energije vjetra u privredne svrhe, to je u resornom ministarstvu u 2012. godini zaprimljeno 15 zahtjeva za dodjelu koncesije za korištenje sunčeve energije u privredne svrhe-izgradnju solarnih elektrana. Resorno ministarstvo je krajem 2012. godine privelo kraju postupak dodjele koncesije za 10 privrednih društava, i ugovori su zaključeni u prvoj polovini januara ove godine.

Sa 31.12.2011. godine prestao je da važi ugovor o koncesiji sa Rudnikom soli „Tuzla“ d.d. Tuzla, kao i Aneksi Ugovora o koncesiji sa tri rudnika uglja, pa je Ministarstvo početkom 2012. godine zaključilo Anekse ugovora. Prije potpisivanja Aneksa Ugovora o koncesiji sa Rudnicima uglja „Kreka“ i Rudnikom mrkog uglja „Đurđevik“ zaključeni su Protokoli o reprogramiranju dugovanja iz ranijeg perioda

Na zaključene Anekse Ugovora i Protokole o reprogramiranju duga saglasnosti je dala Vlada Tuzlanskog kantona

Trenutno Ministarstvo industrije, energetike i rudarstva Tuzlanskog kantona ima 15 zaključenih ugovora o koncesiji za eksploataciju kamena krečnjaka, dijabaza, uglja, slane vode, kvarcnog pijeska i CO₂.

Ukupna dugovanja po osnovu koncesionih naknada zaključno sa 31.12.2012. godine iznose 8.883.544,65 KM. Od navednog iznosa 3.646.751,46 KM ili 41,05 % je utuženo, odnosno dostavljena je dokumentacija Kantonalnom pravobranilaštvu za pokretanje postupka naplate putem suda, ili je predmet Protokola, a za ostali dio duga vode se aktivnosti za naplatu, odnosno isti će biti utuženi ili raskinut ugovor ukoliko nakon preduzetih mjera ne budu izmirili svoja dugovanja.

Od ukupnog dugovanja koncesionara iznos od 8.202.125,03 KM ili 92,33 % se odnosi na dugovanja rudnika uglja. Od tog iznosa, 92,3% ili 7.570.656,63 KM odnosi se na dugovanje privrednog društva Rudnici „Kreka“ Tuzla. Rudnici uglja „Đurđevik“ duguju 631.468,73 KM, ili 7,1 % od ukupnog dugovanja koncesionara.

U 2012. godini fakturisano je 3.706.799,00 KM i ovaj iznos manji je za 2% u odnosu na 2011. godinu kada je fakturisano 3.799.705,05 KM.

U 2012. godini po osnovu koncesionih naknada naplaćeno je 2.311.655,20 KM, što predstavlja smanjenje za 30% ili 969.758,76 KM, u odnosu na 2011. godinu, kada je naplaćeno 3.281.413,96 KM.

U ukupnom iznosu naplaćenih koncesionih naknada najznačajnije mjesto pripada Rudniku mrkog uglja „Banovići“ koji je na ime fakturiranih koncesionih naknada na jedinstveni račun trezora u 2012. godini uplatio iznos od 1.095.903,70 KM, što predstavlja 47% od ukupno naplaćenog iznosa u 2012. godini.

Iz dijela sredstava od naplaćene koncesione koja pripadaju Kantonu, shodno Programu utroška sredstava sa budžetske pozicije „Sredstva za utrošak prihoda od koncesije“ broj: 02/1-14-8169/12 od 18.05.2012. godine i 02/1-14-27914/12 od 13.12.2012. godine, Ministarstvu inustrije, energetike i rudarstva pripalo je 500.000,00 KM, od čega je realizovano 450.000,00 KM. Od ovih sredstava Rudniku soli „Tuzla“ dodijeljeno je 300.000,00 KM za izgradnju dvije istražno-eksploatacione bušotine na ležištu „Tetima“, B-88 i B-93 i 50.000,00 KM za realizaciju programa uštede električne energije primjenom obnovljivih izvora energije, „Rudnicima nemetala Kladanj“ d.o.o. Kladanj dodijeljeno je 50.000,00 KM za Program istraživanja mineralne sirovine magnezita na ležištu „Miljevica“ i 50.000,00 KM za istraživanje i realizaciju projekta iz oblasti obnovljivih izvora energije-fotonaponska mikroelektrana u Kalesiji.

Sredstva u iznosu od 50.000,00 KM, planirana za izradu Projekta detaljnih hidrogeoloških istraživanja geotermalne energije na području Gračanice, nisu realizovana.

IV. Kapitalni projekti

Ministarstvo u izvještajnom periodu nije imalo planiranih kapitalnih projekata te nije bilo ni realizacije sredstava sa kapitalnih projekata.

V. Ocjena stanja i postignuti rezultati

Ministarstvo je u skladu sa svojim nadležnostima, pratilo stanje u oblastima industrije, energetike i rudarstva, o tome redovno izvještavalo Vladu i Skupštinu kantona, i u cilju prevazilaženja težih problema koje su pratile rad privrednih društava, predlagalo konkretne mjere.

U 2012 godini, iako je Ministarstvo planiralo provođenje aktivnosti na privatizaciji neprivatiziranih privrednih društava, te aktivnosti su djelimično provedene jer u većini od tih preduzeća još uvijek nisu stvoreni uslovi za kvalitetnu privatizaciju (neophodne su dodatne pripreme privrednih društava), a navedenoj aktivnosti posvetiće se značajna pažnja u 2012 godini.

U skladu sa raspoloživim sredstvima u Budžetu Tuzlanskog kantona, okončane su aktivnosti oko uvezivanja radnog staža za zaposlenike privrednih društava sa većinskim državnim kapitalom koji su u 2012. godini ispunili uslove za starosnu penziju.

Ministarstvo je u skladu sa raspoloživim sredstvima na poziciji „Intervencije javnim preduzećima i privrednim društvima“, pomagalo privrednim društvima u pogledu podsticaja izvoza, očuvanja broja uposlenih, kao i pomoći za investiciono održavanje i pripreme preduzeća za restrukturiranje.

Obavljan je nadzor nad radom uprava preduzeća iz resorne oblasti, predlagane i vršene neophodne kadrovske promjene (direktori društava), a u pogledu Nadzornih odbora pokrenuta je inicijative za imenovanje novih članova Nadzornih odbora u onim privrednim društvima u kojima je to neophodno (zbog isteka mandata, negativna ocjena rada nadzornih odbora i sl.)

Obrazovan je Stručni tim sa zadatkom da iznađe mogućnost izdvajanja pogona FO „Aida“ PJ Lukavac i PJ Duboki Potok a isti da budu u nadležnosti Općine Lukavac i Općine Srebrenik.

Povećan je kapacitet proizvodnje slane vode na eksploatacionom polju „Tetima“, Rudnika soli Tuzla D.D. Tuzla, što direktno utiče na povećanje proizvodnje u hemijskoj industriji a samim tim i povećanje izvoza.

Rudnik soli „Tuzla“ dd Tuzla u 2012. godini, nije imao izraženih problema u procesu proizvodnje, čime je obezbijedio dovoljne količine slane vode za proizvodne kapacitete hemijske industrije. Takođe su urađeni pristupni putevi za istražno-eksploatacione bušotine koje će se graditi u 2013. godini.

Stručna lica rudnika, zajedno sa Ekspertnim timom, redovno analiziraju podatke vezano za monitoring stijenskog masiva nakon prestanka eksploatacije na tuzlanskom sonom ležištu.

„Rudnik nemetala Kladanj“ doo Kladanj je za 2012 godinu predviđen za privatizaciju i u tom cilju Vlada kantona je donijela Odluku o prodaji cjelokupnog kapitala Rudnika. Da bi se ova aktivnost realizovala, Ministarstvo je Rudniku dodijelilo neophodna

finansijska sredstva za funkcionisanje uprave, bez čijih odluka se po Zakonu o privatizaciji i Zakonu o privrednim društvima, privatizacija ne može obaviti.

- Postignuti efekti

- *Pozitivno poslovanje određenih privrednih društava nakon dugogodišnjeg negativnog poslovanja,*
- *nisu pokrenuti stečajni postupci ni u jednom privrednom društvu iako je bilo više inicijativa za uvođenje stečaja od strane povjerilaca,*
- *došlo je do blagog upošljavanja radnika u privrednim društvima i sačuvana su postojeća radna mjesta,*
- *izvršena je kvalitetna priprema za privatizaciju društava koja nisu privatizirana,*
- *rješavana su pitanja od vitalnog interesa radnika u ovim privrednim društvima tj. uvezivanje radnog staža i obezbjeđenje zdravstvene zaštite.*

VI. Programska orijentacija

Ministarstvo industrije, energetike i rudarstva poslove iz svoje nadležnosti obavlja u skladu sa članom 11. Zakona o ministarstvima i drugim organima uprave Tuzlanskog kantona ("Službene novine TK" broj; 17/00, 3/01, 12/03, 10/05, 3/08, i 8/11).

Zacrtane programske aktivnosti, Ministarstvo će realizirati ostvarivanjem strateških ciljeva definisanih u Programu rada Ministarstva i Vlade Tuzlanskog kantona za 2013 godinu.

Vizija

Održiva privredna društva na području Tuzlanskog kantona, efikasno i racionalno iskorištavanje prirodnih bogatstava uz poštivanje najviših standarda očuvanja i zaštite životne sredine.

Misija

Ubrzani razvoj privrednih subjekata uz zadržavanje postojećih radnih mjesta te nova zapošljavanja, stvaranjem povoljnog poslovnog ambijenta koji je osnova za ekonomsko jačanje Tuzlanskog kantona.

Strateški ciljevi

Strateški ciljevi Ministarstva industrije, energetike i rudarstva definisani su strateškim planom rada Ministarstva za period 2012. – 2014. godine, koji će biti konačno usvojeni nakon donošenja Budžeta Tuzlanskog kantona za 2013 godinu.

VII. Izvršenje planiranih kontinuiranih poslova

-prvostepeno upravno rješavanje

Ministarstvo industrije, energetike i rudarstva je prema Zakonu o prikupljanju, proizvodnji i prometu sekundarnih sirovina i otpadnih materijala („Službene novine Federacije BiH“, broj: 35/98) i Pravilniku o uslovima tehničke opremljenosti poslovnih prostora za obavljanje djelatnosti prikupljanja, prerade i proizvodnje otpadnih materijala i sekundarnih sirovina („Službene novine Federacije BiH“, broj: 3/00), kao

podzakonskog akta dato u nadležnost ovom Ministarstvu da imenuje komisiju koja će utvrditi da li pravna lica koja se bave prikupljanjem otpadnih materijala i sekundarnih sirovina ispunjavaju uslove za obavljanje istih, te da o tome donese rješenje.

U vezi s navedenim, Ministarstvo je u 2012. godini zaprimilo zahtjeve 2 pravna lica za pregled tehničke opremljenosti poslovnih prostora, od čega je rješenjem jedan zahtjev usvojen, a jedan zahtjev je zaključkom obustavljen.

-drugostepeno upravno rješavanje

Kao drugostepeni organ Ministarstvo industrije, energetike i rudarstva Tuzlanskog kantona u 2012. godini postupalo je u skladu sa odredbom člana 12. stav 2. Zakona o elektroenergetskoj inspekciji („Službene novine Tuzlanskog kantona“, broj: 4/03 i 4/08), kojom odredbom je propisano da se protiv rješenja elektroenergetskog inspektora može izjaviti žalba Ministarstvu industrije, energetike i rudarstva Tuzlanskog kantona u roku od 8 dana od dana prijema rješenja. Shodno navedenoj odredbi Ministarstvo je kao drugostepeni organ riješilo jednu žalbu i ista je odbijena kao neosnovana, jer Ministarstvo nije našlo nezakonitosti, niti nepravilnosti u radu elektroenergetskog inspektora.

Vršeci upravni nadzor nad vršenjem povjerenih javnih ovlašćenja za donošenje pojedinačnih upravnih akata od strane Kantonalne agencije za privatizaciju Tuzla, a što je propisano odredbom člana 8. Zakona o Kantonalnoj agenciji za privatizaciju („Službene novine Tuzlansko-podrinjskog kantona“, broj: 3/97), Ministarstvo kao drugostepeni organ u 2012. godini nije imalo nijednu žalbu.

- nadzor nad provođenjem zakona iz nadležnosti Ministarstva

Ministarsvo je u skladu sa Zakonom o koncesijama Tuzlanskog kantona, pratilo rad koncesionara u smislu izvršavanja ugovorenih obaveza i preduzimalo sve zakonske mjere prema koncesionarima koji ne izvršavaju obaveze iz ugovora o koncesiji.

U skladu sa Zakonom o rudarstvu i Zakonom o geološkim istraživanjima Miinistarstvo je tek krajem 2012 godine otpočelo sa izdavanjem odgovarajućih dozvola, tako da će se u toku narednog perioda moći dati detaljnije obrazloženje o aktivnostima u pogledu upravnog nadzora nad provođenjem zakona.

VIII. Unutrašnja organizacija

Pravilnikom o unutrašnjoj organizaciji Ministarstva industrije, energetike i rudarstva broj: 03/1-34-9956/05, 03/1-34-19806/05, 03/1-02-3383/06 i 03/1-34-26924/11, sistematizovano je ukupno 14, a popunjeno je 12 radnih mjesta.

Od ukupnog broja trenutno uposlenih, 8 je državnih službenika a 4 je namještenika.

U skladu sa Odlukom Vlade kantona o prijemu pripravnika iz reda boračke populacije, Ministarstvo je zaključilo ugovor o obavljanju pripravničkog staža sa jednim pripravnikom dipl ecc.

Materijalna osposobljenost za funkcionisanje Ministarstva nije zadovoljavajuća i neophodna je nabavka slijedeće opreme:

- jednog putničkog automobila
- računarska oprema.

Već duži vremenski period Ministarstvo je tražilo da mu se dodijeli još jedno vozilo, obzirom da na raspolaganju ima samo jedno koje je u funkciji. Ministarstvo

raspolaže sa još jednim vozilom koje je u jako lošem stanju i neupotrebljivo. (staro oko 14 godina i vrlo često na servisiranju).

Što se tiče kompjuterske opreme, većina računara je zastarjela, pogotovu imajući u vidu sve više zastupljeniji elektronski način rada i komunikacije, zbog čega u dogledno vrijeme Ministarstvo za takav način rada, neće biti materijalno osposobljeno.

Svim državnim službenicima Ministarstva omogućena je stručna edukacija putem Agencije za državnu službu Federacije Bosne i Hercegovine.

IX. Saradnja sa federalnim organima, drugim kantonima i njihovim organima, drugim kantonalnim organima i općinama

Ministarstvo je u proteklom periodu ostvarilo dobru saradnju sa resornim federalnim Ministarstvom (Federalnim ministarstvom energije, rudarstva i industrije).

Takođe je ostvarena saradnja sa općinama a naročito sa Općinom Tuzla u pogledu rješavanja problematike naknada šteta pričinjene usled nekontrilisane eksploatacije slanice.

Ostvarena je saradnja sa drugim kantonalnim organima u cilju rješavanja aktuelne problematike iz resorne oblasti, te izvršavanju zakona i drugih propisa Tuzlanskog kantona.

Ministarstvo je redovno izvršavalo odluke i druge akte Vlade i Skupštine kantona, na vrijeme pripremalo i dostavljalo materijale predviđene Programom rada Vlade i Skupštine. Odnos prema Vladi i Skupštini ogledao se i prisustvom na sjednicama Vlade i Skupštine, odgovorima na poslanička pitanja, poslaničke inicijative kao i sve ostale zahtjeve koji su upućivani Ministarstvu.

U 2012 godini, nije bilo nikakvih obraćanja od strane Ombudsmena Federacije Bosne i Hercegovine.

Ministarstvo je ostvarivalo uspješnu saradnju sa nevladinim sektorom i odgovaralo na sve upućene zahtjeve i upite od strane ovog sektora.

MINISTAR

Prof.dr.sc. Željko Knežiček, dipl.inž.rud.



Broj: 03/1-
Tuzla, 03.06.2013 godine

URED VLADE
n/r Sekretara

PREDMET: Materijal za sjednicu Vlade, dostavlja se

U skladu sa tačkom XV Odluke o metodologiji izrade i donošenja programa rada i izvještaja o radu vlade Tuzlanskog kantona, kantonalnih organa uprave i upravnih organizacija ("Službene novine Tuzlanskog kantona" broj: 15/11), dostavljamo vam dopunjeni Izvještaj o radu Ministarstva industrije, energetike i rudarstva za 2012 godinu, s napomenom da smo predmetni Izvještaj dostavili našim aktom broj: 03/1-05-6135/13 od 21.03.2013. godine, a isti je povučen radi dopune.

S poštovanjem,

Dostavljeno:
1x Naslovu
1x Evidencija
1x Arhiva

MINISTAR

Prof.dr.sc. Željko Knežiček, dipl.ing.rud.